

Vanhuustenhuolon kansallinen arvokehä

– Mitäs se sulle merkitsee?



Illustration: Helena Halvarsson

Arvokasta elämää ja hyvinvointia

Yhen Sosiaalipalvelulain lissäyksen mukhaan pittää kaikki henkilökunta vanhuustenhuolossa toimia sillä tavala ette sie saat arvokhaan elämän ja voit hyvin. Sie päätät mikä se merkittee sulle. Sen takia on tärkeä ette kaikki henkilökunta vanhuustenhuolossa kenheen olet kontaktissa ette net kysyvät sinun miepitheitä ja toivomuksia. Se on sinun tarpeet, joka ohjaa kuinka sinun huolto ja palvelu pittää antaa ja ette saatat ellää sitä elämää mitä haluat ja ossaat.

Arvokas elämä ja hvyinvointi saattaa esimerkiks olla ette:

- Sie saatat niin paljon kun on maholista valita kuinka ja koska saat tukea ja apua.
- Se huolto sie saat päätethään, suunnitelthaan ja suoritethaan yhdessä sinun kans sinun tarpeitten mukhaan. Jos haluat sinun lähimäiset saattavat olla mukana planeeraamassa tätä.
- Sie tunnet ette huolon mitä saat on hyvää.
- Sie saat hyvän kohtelun henkilökunnalta.
- Sie tunnet ette henkilökunta kuuntelee sinun mielipitheitä ja toivomuksia ja ette sie saatat puhua eli muula tavala komyniseerata henkilökunnan kans sinun tarpeitten ja toivomuksitten mukhaan.
- Sinun privaattielämä, sinun inttekriteetti ja sinun elämänvalinat respektterathan.
- Sie tunnet turvaa. Sie päätät mikä tekkee sinun turvaliseks, mutta se saattaa esimerkiks koskea sitä ette sie olet turvalinen omassa koissa eli sillä kohtelula mitä henkilöökunta antaa sulle tukea ja huoltoa.
- Sie koet merkitystä elämäle, esimerkiks ette saatat ellää sinun kulttuurin, elämänkattomuksen ja uskon mukhaan.

Mikäs arvokehä on?

Arvokehän rakenethaan yhtenhäisistä arvoista kuinka met piämä kohtella toisia. Toiminassa arvokehä kuvvaa sen suhtautumisen joka henkilöökunta pittää seurata töissään.

Haluatko tietää lissää?

- Ota yhteyttä sen henkilön kans joka on vastuussa vanhuustenhuelosta.
- Kysy henkilökunnalta, joka on vanhuustenhuelossa.
- Mene www.socialstyrelsen.se/nationellvardegrund Tästä saat informasuunia niistä arvokehän tehtävistä jotka Sosiaalihallitus on saanu hallitukselta. Tässä on kans lissää tietoja mitä laki sannoo.

Jos et ole tyytyväinen sen huolon kans mitä saat, voit puhua sen henkilön kans sinun kunnassa, joka on vastuussa vanhuustenhuelon kysymyksistä. Se on sinun kunta, joka on päävastuussa siitä ette saat sen tuen ja sen avun mitä tarvittet.

Mitäs laki sannoo?

Sosiaaliavunlaki ohjaa vanhustenhuolon toiminat. Tähhään kuuluu 1 tammikuusta 2011 lähtien kansalinen vanhuustenhuelon arvokehä (5 kap. 4 § SoL). Se sannoo ette työ vanhuustenhuelossa pittää suuntautua ette vanheemat henkilöt saavat arvokasta elämää ja saavat tuntea hyvävointia.

Sosiaaliavunlaki on kans saanu uuen lissäyksen joka sannoo ette vanheemat henkilöt pitävät, niin kauaus kun on maholista, saa itte valita koska ja kuinka apu ja tuki asumisessa ja muu helposti käytettävä palvelu pittää toimia (5 kap. 5 § SoL).

Vanhuustenhuelon kansalinen arvokehä – mitäs se merkittee sulle?

(artikkelin nr 2012-6-21) mennee tilata Sosiaalihallituksen tillauspalveluksesta, 120 88 Stockholm www.socialstyrelsen.se/publikationer
E-posti: socialstyrelsen@strd.se
Faksi: 08-779 96 67
Pyplikasuunin mennee kans latata alas tästä: www.socialstyrelsen.se

Översättning till tornedalsfinska (Meänkieli)

Äldreomsorgens nationella värdegrund – vad innebär den för dig?
(artikelnr 2012-6-21) kan beställas från
Socialstyrelsens beställningsservice, 120 88 Stockholm
www.socialstyrelsen.se/publikationer
E-post: socialstyrelsen@strd.se
Fax: 08-779 96 67
Publikationen kan också laddas ner på www.socialstyrelsen.se